

# Kaujisattaunet mitsanut Tingullusimam- mangappit C-mik



LEE NARRAVAN

## Sunainna Tingullusisimannik C-meng?

Tingullusisimannik C-mik tinguit Kanimmasittamat pidluni tingullusisimannimit C akKitaugunnagunnaidluni ejanut. Inuit tingullusisot C-mik Kanga aummelimmat akKitaugunnagani. Iluanelimmat, sujuisok tingunnik amma piungilititsiniadluni tapsuminga pimmagiujumik timimmiutamik. Sujutsisimaluammalu, ajunnaluasok tingummut amma Inuit Kanimmaginiadlutik.

Tamakkununga ilanginnut inunnut tingullusimata C-mik, akKitaugunnangituk Kanimmasik asiusok namminimigut iluani sivullimik saxet takKet piungiligegami. Tamakkununga ilanginnut inunnut, tamanna Kanimmasik suli timimmesok kingungani saxet takKet. Tamânelu, tingullusinnik C nunguniangituk imminik, tagvalili ânniasiuuttausok pejauniadluni timimmit.

## Kanunginna Tingullusinnik C SiammaKattatong?

Ukua tagga ilangit piuset tingullusititsinimmut C-mik itijasot timimmut:

- Atugiiallaguvit sunanik sugalagiamut kiliniadlutit, sollu allanguattauguvit ugvalu siutimiutanut sollu;
- AtukatiKadlutit ugvalu attasiguvit piKutinginnik sollu auKatillugit, sollu umejaigutet, kukejaigutet amma kigutinnik salummasaigutet;
- NutagatsaKaliguvit nutagattaliguvillonet, annak tingulluniKappat C-mik aittuisok Kanimmasimmik nutagamminut;
- Atuguni kapillugu ugvalu Kingammigut atulluni attutausimaligettunik kinamukkiak;
- IliukKaviulluni aummik asimminit ugvalu asingata timinganit Kaujjausimagani tingullusiKammangât C-mik;
- Atugiiallagiak ânniasiuutiup atuKattatanginnik atausiialluni kisiani atugialinginnik, sollu mikKutet kipittaugiamut; amma
- NuliaKagiak pottaKagani sollu auKaKajammat.

## Summat KaujisattaugiaKavinga tingullusisimammangamma C-ming?

- Kaujisattaugiak piusituangummat sollu tingullusimaguvit C-mik;
- PitaKavuk Kaninninganut 250,000 inuit inojut tingullusimadlutik C-mut Canadami. Unuttumaget inuit tingullusimajut C-mik Kaujimangituk pitaKanimminik;
- Unuttut inuit takutsaungituk pitaKagalaummangammik kisiani unutsimata jaret tingullusigaminik C-mik; amma
- PitaKangilak kapitsotimmik mitsanut tingullusiniup C-mik. Atautsimituinnak pijauttailigiamut tingullusiuutimmik C-mut kisiani pitâttailigasuauguvit.

## Kanuk tagga Kaujisattaunialigama tingullusimut C-mon?

Magguitudlutik Kaujisasot Kaujigiamut pitaKammangâpit C-mik.

- **Sivullipâk: tingullusik C aittutausimammangapit uttulutit** atuttausok takugasuamut sollu kina aittutausimammangituk tingullusigiamut C-mik. Taipsumani tingullusik C iluanommat aup, tamanna kapittaunik Kanimmasittagunnagunnaillugit timinganut agvianiallilugit. Tamanna tingullusinnik C uttugamik kamaluasot C-mik iluani aungata.
- **Takutsaungipat** uttugamut tukilik pitaKalautsimangininganik tingullusimmik C-mut.
- **Takutsaupat** uttutauninga tukilik attuisimanginganik tingullusik C-mut Kangakiak. kitalu, agviagutet tamânesot timimmi allât taipsumani kina pejaimmat akKitaugunnangitumik. Utittaviuppat uttutauKattadluni pimmagiujuk sutagga kingullia takutitsigajammat sollu Kanimmasik suli tamânegajammat timinni.
- **kingullia uttotik: AkKitaugunnangipat uttutauninga** kamasot sudlatuinnamangat suli tingullusik C piungilisimanninga. Takutsaungipat uttutausimajuk tukiKasok kina pitaKangininganik tingullusimik C-mik. Piujuk uttutausimanninga tukilik kina tingullusisimammangituk C-mik.

## Suva sollu uttutaugama takutsaugunnaimân?

Sollu uttugaugit tukung takutsaugunnaipat tingullusik C igvit timinni, igvit inosiKatsianimmut kamajet uKalaKatiKajutsauvuk ilinnik ukuninga:

- Pijauttailitsigiamut ilinnik Kanimmasittâtailitillutit tingullusik C-mit ugvalu asinginnit sollu tingullusik A amma B ugvalu HIV sivuninut; amma
- kamatsialutit inosiKatsialutit amma aiKattalutillu inosiKatsianinnut kamajinnut.

## Suvalli sollu uttutaugama takutsaugajappân?

Sollu uttutaugavit takutsaugajappat tingullusiKajutit C-mik, Kaujitsiagajattutilli sollu nammatukut ânniasiuuttauniKagajannikut, tingullusik C pejattagajattuk. PitaKammimallu sunatuinnanik namminik pisonik inosiKatsiagutinnik tamât. InosiKatsianikut kamajet uKaudjuiniammat ilinnik mitsanut ukua:

- kamagitsialugu tinguit piungilittailitiniaganni;
- Pijauttailitillugit asittit tingullusik C-mut pitajuaningimata;
- Pijauttailitillutit imminik asianik uKumaittuummat tingullusik C ugvalu sujuisot sollu HIV ugvalu tingullusik B; amma
- Annisuttaunik tingullusik C-mut amma nakillu Kaujigajammangappit tamatsuma mitsanut.

## IkKaumagit

- Tingullusik C Kanimmasik akKitaugunnangituk ejanut aulajuk tingunni. Siammasok adjigengitukut aummit-aummut Kanga tingullusik C tamânemmat;
- Kina pitaKasok tingullusik C-mik unuttuni jarini Kaujimagatik, allât tamanna Kanimmasik sujuigajappat tingunnik;
- kisianilu Kaujisot sollu kina tingullusik C-mik kisiani KaujisattauKadlutik;

- PitaKavuk ânniasiuutinik tamatsumunga tingullusik C-mut. Unuttut ânniasiuuttaugesot pitaKaniagunnaigavit tapsuminga akKitaugunnangitumik ejakut;
- Tingullusik C siammagunnangituk sollu AKatuinaguvit, kunigunni, ugvalu tiguligik ugvalu hatsikiju-Kappat ugvalu KuittujuKappat;
- Tingullusik C imammit ugvalu niKinnit nagvatauKattangituk; amma
- Kaujillutit imminik. IkajuttauviKavuk ikajuttiKavullu.

### Tingullusik C sujusimajuk



520 – 1 Nicholas Street  
 Ottawa, ON K1N 7B7  
 Tel: 613-238-3977  
 Fax: 613-238-1787  
 www.pauktuutit.ca